



Broj: 0101-11468-7/19

Sarajevo, 27. 02. 2020. godine

Na osnovu članova 69. stav (1) tačka a) i 70. stav (1), (3) i (6) Zakona o javnim nabavkama („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka konkurentskog zahtjeva za dostavljanje ponuda za javnu nabavku robe – **Backup restore rješenje**, na preporuku Komisije za javnu nabavku broj: 0101-11468-6/19 od 26. 02. 2020. godine, rektor Univerziteta u Sarajevu donio je

ODLUKU o izboru ponuđača i dodjeli ugovora

Član 1.

Prihvata se preporuka Komisije za javnu nabavku broj: 0101-11468-6/19 od 26. 02. 2020. godine i ugovor o javnoj nabavci robe – Backup restore rješenje, **dodjeljuje ponuđaču BBS d.o.o., Kranjčevićeva 39, 71000 Sarajevo**, čija ukupna cijena iznosi 39.500,00 KM bez PDV-a (slovima: *tridesetdevehiljadapetstotinakonvertibilnihmaraka* i 00/100), što sa uračunatim PDV-om iznosi: **46.215,00 KM** (slovima: *četrdesetšesthiljadadvijestotinepetnaestkonvertibilnihmaraka* i 00/100), iz razloga što je u postupku konkurentskog zahtjeva za dostavljanje ponuda dostavio prihvatljivu ponudu.

Član 2.

U tački 11. Zapisnika o pregledu i ocjeni ponuda broj: 0101-11468-6/19 od 26. 02. 2020. godine, koji se nalazi u prilogu ove Odluke, Komisija za javnu nabavku konstatovala je da je ponuđač BBS d.o.o. Sarajevo, u ponudi dostavio i ovjerene kopije svih dokaza o kvalificiranosti traženih tačkom 12.1. Tenderske dokumentacije, pa se izabrani ponuđač oslobađa obaveze naknadne dostave originala ili ovjerenih kopija dokaza traženih tačkom 12.1. Tenderske dokumentacije.

Član 3.

Ova Odluka će biti objavljena na web stranici Univerziteta u Sarajevu www.unsa.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

O b r a z l o ž e n j e

Na osnovu Odluke o pokretanju postupka javne nabavke broj: 0101-11468-1/19 od 25. 12. 2019. godine, Univerzitet u Sarajevu pokrenuo je postupak za javnu nabavku robe – Backup restore rješenje.

Za provođenje postupka javne nabavke, Odlukom broj: 0101-11468-2/19 od 25. 12. 2019. godine imenovana je Komisija za provođenje predmetnog postupka javne nabavke.

Dana 10. 02. 2020. godine donijeta je Odluka o izmjeni odluke o imenovanju komisije broj: 0101-11468-2-1/19.

Obavještenje o javnoj nabavci broj: 999-7-1-6-3-22/20 objavljeno je na Portalu javnih nabavki dana 11. 02. 2020. godine. Istog dana, na Portalu javnih nabavki objavljena je i Tenderska dokumentacija broj: 0101-11468-3/19.

Iz Izvještaja o preuzimanju tenderske dokumentacije od strane ponuđača, kreiranog sa Portala javnih nabavki dana 21. 02. 2020. godine u 10:02, vidljivo je da su, u periodu koji je ostavljen za dostavljanje ponuda (do 21. 02. 2020. godine), Tendersku dokumentaciju broj: 0101-11468-3/19 preuzeli sljedeći potencijalni ponuđači: NV-INVEST, INSTRUMENTS, LOGOSOFT D.O.O., EKAPIJA DOO, TRIFOLIX DOO, IMTEC D.O.O. SARAJEVO, BBS EUROPE, EMERGING MARKETS CONSULTANTS D.O.O., REBUS D.O.O., LANACO DOO, IT SYSTEMS, PROINTER ITSS DOO, ASBIS D.O.O., MIBO KOMUNIKACIJE D.O.O., HERTRONIC D.O.O., ELCOM D.O.O. TUZLA, MTEL A.D. BANJA LUKA, JAVNO PODUZEĆE HRVATSKE TELEKOMUNIKACIJE D.D., FIXIT D.O.O., VERACOMP D.O.O., UNIS TELEKOMUNIKACIJE D.D. MOSTAR, BOSNIEN BUSINESS SYSTEMS, FINOVA DOO BANJA LUKA, PING D.O.O., ORBICODE D.O.O., DIGITARIJA D.O.O. DRUSTVO ZA SAVJETOVANJE I USLUGE U INFORMATICI, RESULTS CONSULTING, PROMOTIM D.O.O., QSS D.O.O., ALEM SISTEM D.O.O., IMEL DOO, INGRAM MICRO PREDSTAVNIŠTVO U BIH.

Iz Izvještaja o pitanjima i odgovorima u vezi sa tenderskom dokumentacijom, kreiranog sa Portala javnih nabavki dana 21. 02. 2020. godine u 09:57, vidljivo je da je u periodu koji je ostavljen za dostavljanje pitanja i odgovora, ponuđač DIGITARIJA d.o.o. Društvo za usluge i savjetovanje u informatici postavio pitanje da li će certifikat Weam backup academi certified professional zadovoljiti zahtjev Ugovornog organa? Ugovorni organ je u zakonskom roku odgovorio kako ponuđeni certifikat treba biti dokaz da ponuđeno rješenje može biti implementirano u skladu sa najboljim preporukama proizvođača, kao i da će to rješenje biti implementirano od strane certifikovane osobe proizvođača odabranog rješenja. Također, Ugovorni organ naglasio je i da je u Tenderskoj dokumentaciji jasno definisano koji certifikat Ugovorni organ traži i na primjeru Veeam proizvođača zahtijevani certifikat je Veeam Certified Engineer (VMCE), a u slučaju da se nudi rješenje drugog proizvođača ponuđeni certifikat treba biti ekvivalent zahtijevanom.

Na Tendersku dokumentaciju nije bilo žalbi od strane potencijalnih ponuđača.

Iz Zapisnika o otvaranju ponuda vidljivo je da je dana 21. 02. 2020. godine u 10:15, Komisija za javnu nabavku, izvršila javno otvaranje blagovremeno dostavljenih ponuda sljedećih ponuđača:

R.br.	Naziv i sjedište ponuđača	Broj prijemnog protokola	Datum i vrijeme prijema ponude
1.	BBS D.O.O. Kranjčevićeva 39	0101-2363/20	20. 02. 2020. godine u 14:05 sati
2.	DIGITARIJA D.O.O. Zmaja od Bosne 14C	0101-2370/20	21. 02. 2020. godine u 8:35 sati

U Zapisniku o otvaranju ponuda je konstatovano da nije bilo neblagovremenih ponuda.

Na javnom otvaranju ponuda nije bilo prisutnih predstavnika ponuđača.

Na javnom otvaranju ponuda, od strane članova Komisije i ostalih prisutnih nije bilo primjedbi na postupak otvaranja i ostale priopćene informacije.

Sačinjen je Zapisnik sa javnog otvaranja ponuda i ponuđačima poslat putem pošte.

U Zapisniku o otvaranju ponuda je sačinjen sažetak ponuda primljenih u roku:

R.br.	Naziv i sjedište ponuđača	Ponuđeni popust	Ukupna cijena ponude
1.	BBS D.O.O. Kranjčevićeva 39	0%	Bez PDV-a: 39.500,00 KM Sa PDV-om: 46.215,00 KM
2.	DIGITARIJA D.O.O. Zmaja od Bosne 14C	0%	Bez PDV-a: 40.000,00 KM Sa PDV-om: 46.800,00 KM

Iz Zapisnika Komisije za javnu nabavku vidljivo je da je Komisija započela sa pregledom ponuda dana 21. 02. 2020. godine, radi ocjene ponuda, odnosno da bi utvrdila da li su ponuđači ispunili uslove iz članova 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li su dostavili tehnički zadovoljavajuće ponude, te da li su kvalifikovani za nabavku predmetne robe.

Iz Zapisnika o pregledu i ocjeni ponuda je vidljivo da je Komisija za javnu nabavku, nakon provjere računске ispravnosti ponuda, utvrdila da u ponudama nije bilo računskih grešaka, odnosno da su ponude ponuđača BBS d.o.o. i DIGITARIJA d.o.o., **računski ispravne**.

U cilju ocjene ispunjavanja uslova za primjenu preferencijalnog tretmana domaćeg, nakon pregleda ponuda, Komisija je utvrdila da ponuđači BBS d.o.o. i DIGITARIJA d.o.o. nisu dostavili potvrdu Vanjskotrgovinske komore ili druge nadležne privredne komore da najmanje 50% ukupne vrijednosti od ponuđenih roba imaju porijeklo iz Bosne i Hercegovine, o čemu su se ponuđači izjasnili i u okviru Obrasca za ponudu – Prilog I, zaokruživši odgovor NE na osnovu čega je Komisija ocijenila da se na ponude ponuđača BBS d.o.o. i DIGITARIJA d.o.o., **ne primjenjuje preferencijalni tretman domaćeg**.

Nakon pregleda **ponude ponuđača DIGITARIJA d.o.o., Zmaja od Bosne 14C, 71000 Sarajevo** Komisija za javnu nabavku utvrdila je da ponuđač ne ispunjava sve uslove za kvalifikaciju tražene Tenderskom dokumentacijom (konstatovano i obrazloženo u tački 11. i 13. Zapisnika o pregledu i ocjeni ponuda), pa je Komisija ponudu ponuđača DIGITARIJA d.o.o. ocijenila kao **neprihvatljivu** iz sljedećih razloga:

Ponuđeno rješenje Veeam Backup & Replication Enterprise 1 Year ponuđača DIGITARIJA d.o.o., ispunjava generalno traženo rješenje, ali ponuđač nije dostavio tehničku dokumentaciju na način kako je traženo Tenderskom dokumentacijom (tačka 9.), već tehničku specifikaciju iz koje se vidi da se ponuđač referira na online dokumentaciju. S obzirom da nije dostavljena zvanična tehnička specifikacija proizvođača, Komisija na temelju dostavljenog nije mogla

cijeniti karakteristike ponuđene predmetne robe, kojim ponuđač treba da dokaže da ispunjava zahtjeve Ugovornog organa utvrđene u Tenderskoj dokumentaciji ili njen ekvivalent istih ili boljih karakteristika.

Ponuđač je dostavio Spisak izvršenih ugovora – Prilog IV iz kojeg je vidljivo da su izvršena 2 (dva) ugovora jedan sa predmetom nabavke Isporuka, ugradnja i instalacija opreme (server, storage/uređaj za pohranu podataka, migracije podataka i edukacija), te drugi ugovor čiji je predmet nabavke Isporuka, ugradnja i instalacija DELL-EMC opreme (server, storage/uređaj za pohranu podataka, instalacije, konfiguracije i migracije). Na osnovu podataka iz Spiska izvršenih ugovora – Prilog IV te potvrđuje o urednom izvršenju istih (detaljno navedeno u tački 11.), Komisija je utvrdila da predmet navedenih ugovora nije u vezi sa predmetom nabavke (Backup restore rješenje), kako je traženo tačkom 12.3. podtačka 12.3.1. Tenderske dokumentacije.

Također, Komisija je dokaz dostavljen za podtačku 12.3.2. - Backup Academy Certified Professional ocijenila kao neprihvatljiv iz razloga što ponuđeni certifikat nije adekvatan za ponuđeno rješenje, te isti nije na listi certifikata proizvođača ponuđenog rješenja.

Komisija za provođenje postupka javne nabavke je ponudu ponuđača DIGITARIJA d.o.o. ocijenila kao neprihvatljivu na osnovu sljedećih odredbi *Zakona o javnim nabavkama i Uputstva za pripremu modela tenderske dokumentacije i ponuda: član 2. stav 1. tačka I*) prema kojem ponuda može biti neprihvatljiva ukoliko ne ispunjava uslove tražene tenderskom dokumentacijom, *član 44. stav 6.* prema kojem je samo onim ponuđačima čije kvalifikacije zadovoljavaju uslove utvrđene u tenderskoj dokumentaciji dopušteno da nastave postupak javne nabavke, *član 57. stav 1.* prema kojem se ponuđač u postupku javne nabavke pridržava zahtjeva i uslova iz tenderske dokumentacije i *član 68. stav 1. Zakona o javnim nabavkama* prema kojem ugovorni organ odbacuje ponudu u slučaju da ponuđač nije dostavio tražene dokaze kao dokaz ispunjavanja uslova iz člana 45. do 51. Zakona, te *član 16. Uputstva za pripremu modela tenderske dokumentacije i ponuda* prema kojem postupak pregleda i ocjene ponuda obavlja komisija za javne nabavke na osnovu uslova i zahtjeva iz tenderske dokumentacije.

Nakon pregleda ponude ponuđača BBS d.o.o., Komisija za javnu nabavku utvrdila je da ponuđač ispunjava sve uslove za kvalifikaciju tražene Tenderskom dokumentacijom, pa je Komisija **ponudu ponuđača BBS d.o.o., Kranjčevićeva 39, 71000 Sarajevo ocijenila kao prihvatljivu.**

Iz Zapisnika Komisije za nabavku vidljivo je da je za predmetnu nabavku u Obavještenju o nabavci broj: 999-7-1-6-3-22/20 od 11. 02. 2020. godine kao i Tenderskom dokumentacijom broj: 0101-11468-3/19, predviđeno provođenje e-aukcije kroz sistem e-nabavke. Međutim, s obzirom da je zaprimljena jedna prihvatljiva ponuda, Komisija je konstatovala da u skladu sa članom 3. stav 3. Pravilnika o uslovima i načinu korištenja e-aukcije („Službeni glasnik BiH“ broj: 66/16) u slučaju prijema jedne prihvatljive ponude, e-aukcija se ne može zakazati, nego se postupak okončava u skladu sa članom 69. Zakona.

Na osnovu navedenog, Komisija za provođenje postupka javne nabavke dala je preporuku rektoru Univerziteta u Sarajevu da za nabavku robe – Backup restore rješenje, donese odluku o izboru i dodijeli ugovor ponuđaču BBS d.o.o Sarajevo, Kranjčevićeva 39, 71000 Sarajevo, čija ukupna cijena iznosi: 39.500,00 KM bez PDV-a (slovima: *tridesetdevehiljadpetstotina konvertibilnih maraka* i 00/100), što sa uračunatim PDV-om iznosi: 46.215,00 KM (slovima: *četrdesetšest hiljad vijestotine petnaest konvertibilnih maraka* i

00/100), iz razloga što je u postupku konkurentskog zahtjeva za dostavljanje ponuda dostavio prihvatljivu ponudu.

Iz naprijed navedenih razloga, primjenom člana 69. stav (1) tačka a) i člana 70. stav (1) Zakona o javnim nabavkama, prihvaćena je preporuka Komisije za javnu nabavku i odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ovog Ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama.

REKTOR


prof. dr. Rifat Škrijelj

Dostaviti:

1. BBS d.o.o., Kranjčevićeva 39, 71000 Sarajevo
2. DIGITARIJA d.o.o. Zmaja od Bosne 14C, 71000 Sarajevo
3. Prorektor za finansije
4. Generalni sekretar
5. Jedinica interne revizije
6. Služba za računovodstvo i finansije
7. Služba za javne nabavke
8. web stranica UNSA
9. a/a

Prilog:

- Zapisnik o pregledu i ocjeni ponuda